



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 40. Leidensis, & Duacensis Universitates erectæ.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

postulans: verum hac Regis petitione
 omnium animi vehementer commove-
 bantur, sancitumque erat, Regi esse
 exponendum, quod nullo pacto ejus
 postulatis satisfieri posset: itaque ratio-
 nes suas Regii Senatus, reddituum Cu-
 riæ, Clerus, vectigalium tribunalia, o-
 mnesque Parisini nomine suo exponi fe-
 cerunt, quibus etiam Sancti Ludovici
 monita Filio suo data fuere adjuncta.
 Rex hac repulsa offensus indignationem
 suam nonnihil dissimulabat, Parisinos
 tamen objurgans eis-dem reposuit, quod
 adhuc in regno suo subditos melius er-
 ga patriam affectos numeraret, qui
 præfenti necessitati succurrere parati,
 atque ipsum ad ferendos belli sumptus
 adjuturi essent: enimvero tunc perop-
 portune accidit, ut Gonzaga Nivernii
 Dux opimas ditiones extra Regnum in
 Flandria, necnon Carolus Halvinius
 Pienna de illustri familia ex Pleumosiis
 oriundus avitum patrimonium, quod in
 illis locis possidebant, grandi pecunia
 divenderent, quam summam uterque
 Regi officiose mutuam dabat, acceptis
 in Armoricæ Ducatu ex fundis regiiis
 pignoris loco amplis vectigalibus.

Sæcul. XVI.
A.C. 1575.

§. XL.

*Leidenfis, & Duacensis Universitates
 erectæ.*

T 4

Quam-

Sæcul. XVI.
A. C. 1575.

Quamvis in Belgio haud major viget tranquillitas, quam in Francia, nihilominus Bataviæ Ordines pro liberalium artium, ac literarum incremento sedulam impendebant operam, hinc ut liberalius bonæ educationi, ac juventutis culturæ prospicerent, Lugduni Batavorum Universitatem erigebant, in qua Theologia, Jurisprudentia, Philosophia, Medicina, linguæ, & Mathematicis a Professoribus traderentur, quibus etiam congrua stipendia ex Ecclesiasticorum proventibus assignabantur. Ceterum hæc Universitas non nisi ex Protestantibus constat, ex qua tamen præclari prodire Viri, qui sua eruditione sibi nomen comparabant. Porro paucis ante annis Philippus II. Hispaniæ Rex ad impensas Pii IV. Papæ preces pariter Duaci pro Catholicis Universitatem ad Lovaniensis Academiæ normam instituerat, hujusque erectionis diploma anno Christi millesimo quingentesimo sexagesimo tertio a Pio V. fuit approbatum.

Hoc item anno Domini millesimo quingentesimo septuagesimo quinto Gregorius XIII. Papa Borbonio, & Guisio Cardinalibus facultatem concesserat, ut ejus Jesuitas Parisinæ Universitati aggregari sollicitarent: igitur ea res a Borbonio Cardinale anno salutis nostræ millesimo

lesimo quingentesimo septuagesimo quinto Joanni de Rouen tum Rectori, ac postea Thomæ Scuriono ejus successori proponitur: verum ambo hanc Societatem aggregari constanter renuebant, atque omnia, quæ præfati Patres postmodum impendebant, molimina successu frustrabantur, quamvis enim hi apud Reges, & Principes plurimum gratia valerent, nihilominus Universitas pertinaciter suæ insisteret sententiæ, quin Jesuitæ unquam impetrare possent, ut tanquam Universitatis membra agnoscerentur.

Sæcul. XVI.
A.C. 1575.

§. XLI.

Joannis Pauli ab Ecclesia Cardinalis obitus.

Ex Cardinalibus, qui hoc anno vivis eripiebantur, primus erat Joannes Paulus ab Ecclesia ex nobili genere Tor-
Ciacon. in vita Pont. 3. p. 1034. Gabut. in vit. Pii V. Aubery vis des Card.
 tonæ anno incarnationis Dominicæ millesimo quingentesimo vigesimo primo natus. Hic juvenis adhuc parente suo orbatus studiorum causa Parisios, & Papiam contendit, ubi Doctoratus laurea decoratus in canonica, & civili Jurisprudencia tantos fecerat progressus, ut omnes Caussidicos tum Mediolani celeberrimos longe antecelleret: postea in Hispaniam profectus, Terouanæ Ducem comitabatur, ac pro illius causa
 T 5 coram